

東寧縣誌略

42430.77
47.2



東寧縣志略

叙言

東寧向無史志自開闢距今五十年間制度文物隨時散逸前無人以集錄後無人而纂輯世代愈遠事蹟愈湮考據既無可徵創始實屬匪易在昔春秋之作並傳聞與見聞合而為三世東寧史志殆亦須此例矣考前清同光之世聶公查海吳公劃界設官分職模型芻具故晚近二十年間事尚可得而親矣三十年以前則屬耳聞遞而上之至宋元之朝如所謂設立都統麗屬行營皆為傳聞

東寧縣志略

叙

而已省議員于公博泉向以東寧縣志亟須創修案請願於縣議會勸學所長袁公子仁亦曾以纂修縣志建議於教育會轉請於縣公署卒以無款擱沈至今置之夫縣之有志猶國之有史也世界無歷史之國惟亞東之高麗今東寧縣亦無史志其可懼孰甚徵明不揣愚昧嘗以纂修縣志糾合同人終以事體重大力薄不克遽舉遂將素所採訪及見聞筆錄者先編為東寧縣志略全書分八章計四十有七節其中粗率挂陋自知在所難免然進而益之則平地一簣之積未始不可為他日

峻峯之礎後有作者其以此為洪濤之盪觴可也
中華民國九年三月日照田徵明景文氏自識

東寧縣誌略

叙

東寧縣誌略目錄

第一章 疆域

甲 形勢

乙 沿革

第二章 物產

甲 天然類

一 食貨部

子農事品

丑園藝品

寅水產品

二 用品部

子林藝品

丑工料品

寅藥物品

東寧縣誌略 目錄

一

三 特產部

子天然品

丑人工品

四 花草部

子花之屬

丑草之屬

乙 人為類

一 食貨部

子農出品

丑工出品

二 用品部

子農出品

丑工出品

三 特產部

子工出品

第三章 風俗

甲 禮俗

- 一尚武
- 二競進
- 三開通
- 四愛國
- 一迷信
- 二淫蕩
- 三奢華
- 四邪僻

乙 民性

第四章 商業

第五章 生計狀況

第六章 人物

第七章 古蹟

東寧縣誌略

目錄

二

甲 古代遺蹟

- 一都統城
- 二孝子廬
- 三張三溝
- 四神仙洞
- 五石頭城
- 六蓮子石
- 七草帽頂
- 八銅佛塔

乙 縣屬景致

- 一懸崖古洞
- 二國際螺洲
- 三半山雲氣
- 四萬壑風牛
- 五暖泉雪浪
- 六空谷石虎
- 七秋江漁火
- 八春日屨樓

第八章 交通

東寧縣誌略

日照田徵明著

第一章疆域

甲形勢

東寧居吉林全省之東南部自北緯線四十三度二十分起至四十四度六十分止縱長二百八十里由京東十四度起至十四度七十八止橫寬一百四十里周圍六百八十里面積三萬八千五百方里東鄰俄國西界寧安南接琿春北毗蜜山西北連穆稜西南通汪清幅員遼闊莫與倫比但山嶺重疊平原無多除東臨大河及負郭有田園陸

東寧縣誌略

一

地外南北西三面皆崇山峻嶺豐林叢莽率竇山脈之所盤踞綏芬河流之所環繞道路險隘交通阻隔北通綏芬一線烏道又復溝壑凶惡荏苒竊發鄭泳荃先生嘗謂東寧道險於蜀劍閣不誣也幸有中東鐵路橫貫轄境站設綏芬稍資利便而該站雄踞險要為華俄兩國之交界當中東全路之咽喉屹然半壁東南門戶如何扼守而防禦之是則吾全國人所當注意者也豈僅為東寧一邑之形勢哉

乙沿革

東寧一名三岔口唐以前不可考宋時屬金隸於行營都統名曰都統所其都城遺址猶存在治城西四十里今名胡倫佈歲邑人曾於該地掘得銅印一顆方約二寸正文四篆曰都統所印背附八字曰貞祐六年行六部製以此証之確係金宣宗時為都統駐在地但縣名郡屬無可考矣嗣後人絕跡歷元明清三朝荒墟者五百載有謂金人內侵全部居民皆徙者有謂與高麗戰爭屠滅殲盡者習俗傳聞能言無徵迨至同治年間採金獵獸人漸麇集三岔口之地名始出現於人世三岔

東寧縣誌略

二

口者因有三河匯聚地當岔口故名當時縣區未定國境亦不知何所底止光緒初年聶士成查閱海參崴口始有整理疆界之議嗣於光緒六七年特派吳大澂與俄分界誤以胡佈圖河作為國界立有倭字界牌河西為華河東為俄喪失數十里沃壤棄却海參崴良港撫今以思深用慨歎界定之後設胡佈圖卡倫官辦理中俄交涉事宜同年又設招墾局招民開墾至十七年各項地畝一律升科二十八年正式設治始將三岔口改為綏芬廳並統轄穆稜河寧古塔各屬制度文物至此漸

告大備光緒三十四年與穆稜稜寧安分治又改為東寧廳民國二年始稱為東寧縣云

第二章 物產

甲天然類 食貨部 用品部 特產部 花草部

一食貨部 農事品 園藝品 水產品

子農事品

稻梁黍稷粟穀莠稗大麥小麥鈴鐺麥黃豆黑豆綠豆小豆豌豆蠶豆扁豆刀豆角豆毛子豆玉米蜀馬鈴薯芝蔴蘇子黃菸西天穀

丑園藝品

東寧縣誌略

三

西瓜香瓜黃瓜番瓜絲瓜瓢葫蘆西葫蘆茄子菜蕪地榆芸臺苗蒿鮮薑山藥葱韭薤蒜芹菘菠薐梨藿蕨莧香菜生菜白菜芥菜辣菜大頭菜曲麻菜胡蘿蔔櫻桃葡萄石榴蘋果杏子李子白梨榛子高麗果托盤果山梨紅山核桃山松子山漚梨山蜂蜜等

寅水產品

鯉魚鯽魚白魚梭魚黏魚鱈魚甲魚鱉花魚探頭魚秦孟魚大媽哈魚蝦蟹螺蛤拉姑哈蟆菱角慈菇

二用品部 林藝品 工料品 藥物品

子林藝品

杉松樺椴楊柳榆柞梨棗桑楓楸檣香柏赤松黃
婆羅水曲柳

丑工料品

蘇苧毛絨皮革骨角金石草木等

寅藥物品

黃耆黃柏黃花黃芩石花苦參茵陳桔梗柴胡百
合萎蕤菊花白茅青蒿藜蘆獨活艾葉地榆荆芥
防風蒼朮薤白貫衆小蘗葉耳遠志薄荷馬勃澤

東寧縣誌略

四

蘭升麻白芨紫草狼毒地丁扁蓄紫蘇牽牛苗香
紅花白芍瞿麥蒼柏麥實馬蘭浮萍火麻仁五味
子劉寄奴白蘚皮羊蹄根草麻子鵝子草旋覆花
山豆根平貝母威靈仙菴葦草地膚子馬齒莧馬
兜鈴蒼耳子益母草車前子菟絲子金銀花蒲公英
英牛蒡子玫瑰花郁李仁桑白皮王不留行松節
柏葉楓脂檇本杏仁李仁水菱米壳及金石蔬穀
禽獸鱗介昆蟲之屬約數百種

三特產部

天然品 工料品

子天然品

虎豹熊鹿羚羊麋獐狐貉貂獺灰鼠人參鹿茸珍珠麝香熊膽熊掌鹿筋鹿尾花麝凍麝猴頭木耳

丑工料品

金沙子墨精石銀鉛鑛烟煤鑛石灰石缸窑土等

四花草部

花之屬 草之屬

子花之屬

迎春芍藥杜鵑海棠長楚鶯粟萱花菊花月季玫瑰鳳仙金盞玉簪野蘭蜀葵石竹粉豆葵花香草美人蕉高麗菊向日葵旱荷花洋繡球翠海棠秋海棠珊瑚珠鐵角刺金絲桃十樣景萬年青合包

東寧縣誌略

花燈籠花仙人掌仙人頭雞冠花蝴蝶梅鷄鷹翅菟菜花西粉蓮毛詩竹龍頭花霸王鞭仙人掌

丑草之屬

茅蒿藻萊苔蘚蓬荻蘆葦樗蒲藜莎莠芥蒺藜菜蕒蕒稗菌蘿洋錦葉扁嘴芽含羞草羊膾草靛靛草催生草等

乙人為類

食貨部 用品部 特產部

一食品部

農出部 工出部

子農出品

稻米粟米包米高粱米大黃米小黃米麥粉米粉

粉條凍豆腐鹹豆醬

丑工出品

醬醋油鹽白酒黃酒藥酒醬菜豆皮豆豉腐乳豆腐乾豆腐腦杏仁茶挂麩切麩糖果糖餌麵果麵醃等

二用品部

農出品 工出品

子農出品

木炭石炭材木藥料葦蓆藍靛繩索筐筥箕帚木瓢木勺毛刷蠅拂坎鍬篋籃等

丑工出品

東寧縣誌略

毛頭紙栽絨毯皮革衣履刺繡紙花磚壁瓦礮石塊泥土木器鐵器金銀銅錫等器

三特產部

子工出品

比我酒梨椽水虎骨膏熊油膏茸角膏鹿胎膏黃耆膏益母膏綠袖磁器麥楷草帽

第三章

風俗 禮俗 民性

甲禮俗

冠婚喪祭一切儀禮鄉人多用拜跪城市多用鞠躬惟冠禮從未實行其失已久婚喪祭祀之禮大

略與各地相同風俗一項因地理人種之關係情況甚不一致茲以兩言概之曰華而不實逸而無教爰就其優劣各點開列於左以備觀人風者得焉

風俗之優點有四

一曰尚武

東寧僻處敵原由漁獵進而為農商地當邊陲屢遭匪患居民皆以武力自衛相演成習勇於戰鬥婦女童僕亦能射擊人以得戰為快家以充兵為榮其軍國民之氣概俱已養成於勇敢之習尚

東寧縣誌略

七

固無俟乎教之倡之也此其風俗之優點一

二曰競進

民之趨利如水就下此固世人之通性而邑民之爭於謀利更為他邑所不能及農民之深耕窮谷商賈之遠涉重洋皆不憚勤勞不避險害其競爭營謀之特性實其利用厚生之原因也此其風俗之優點二

三曰開通

邑民素不知學不崇儒術自設學校以來漸漸進化近查學齡兒童之就學者已達十分之七八城

鄉氣習靡然不變向之極端反對者亦皆忻送子弟入學肄業其餘關於政教號令人情禮俗無不如草從風隨時即化民不固滯咸與維新此其風俗之優點三

四曰愛國

邑城逼近俄疆彼此相望偶越雷池立起交涉居民因受強鄰之刺譏又鑑弱韓之滅亡人懷惡外之心愛國熱忱由此勃發其風俗之優點四

風俗之劣點亦有四

一曰迷信

邑民迷信之事甚多如陰陽宅之相地婚喪事之選期娘娘廟老爺府狐仙堂以及山神河神五道八頭種種淫祀無不奉事惟謹此外巫蠱借神歛財者名曰跳神婦女設壇誦佛者名曰持齋疑事不決者則問卜求欲未遂者則圓光傷風敗俗喪志耗財無知愚民迷而不返是宜亟牘之以歸於正

二曰淫蕩

青樓為宣淫之地戲館乃誨淫之媒葦爾山城竟有中日妓女百數十人依門賣笑觸目皆是兼以

腐敗優伶同惡相濟專演淫蕩戲劇誘掖一般良民致令風俗靡靡無所底止售奸者冶容嗜淫者縱欲全邑無貞節碑坊改嫁有六十老嫗習俗惡敗至此已極是宜亟禁之以遏其邪

三曰奢華

東寧婦女奢侈已甚簪珥環釵之屬悉以黃金為之家無宿糧出必錦繡少年紉絙肆力競尚每製一衣常費數百金娶一婦必用千百元值此生計艱難家國交病之秋奢華如此幾何其不窮且盜也

東寧縣誌略

九

四曰邪僻

東寧居民土著甚少大半為晉魯直奉之流寓人兼之墾民雜居日俄比鄰人存倖心不理正業流弊所極演成一般變詐百出之惡習煙賭盜騙淫蕩狂妄不良之習慣深中於人心有維持社會人道之責者誠宜注意及之也

乙 民性

東寧民性向稱純厚墾飲耕食頗順自然近則世風不古人心澆漓男嗜武技不行於正道女好文飾咸違乎婦容更兼邊遠民雜莠多良少習染成

性牢不可破語云禮教未及深入邪僻已經早種殆東甯之謂矣

第四章商業

邑城遠處邊方素號僻陋自有中東鐵路交通稍稱便利近來居民增多商務亦漸興盛出口貨有豆麥粟米油酒豆粕之屬販運貨有藍摺布疋火油麵粉洋貨雜貨藥材等餘若金木皮革雖未完全改良亦皆新舊參半此外如滙兌莊兌換處煤鑛公司電燈公司當舖報館等特種營業無不日新月異極力擴充方之交通便利商務繁盛之區

東寧縣誌略

十

雖曰遠遜而在此邊陲僻陋之小縣亦可云商業有進矣

第五章生計狀況

東甯係一山城也平原無多農田極少全境熟地都二萬二千餘垧此外皆山林藪澤不便耕稼然圍城一帶既綏芬河流域土質肥溼氣候和暖農業適宜出產豐富又兼中俄毗連客商繁夥各項代價又極優厚如土木工作之細每日工資尚能得兩元上下稍事勤勞者無不豐衣足食日用寬裕至於匹夫致巨萬轉瞬稱素封者所在多有因

之生活程度日益增高男肆女驕奢華競上就一時觀之雖似殷廢繼此以往誠恐生齒繁全力盡終不免於放僻邪侈民生不聊之危域也已

第六章人物

東甯開闢特晚距披榛斬棘之日為時不過一花甲耳而山川靈秀之氣磅礴鍾毓一洩難遏數十年間超然傑出者如公正豁達之李程于廣川慈惠仁愛之袁德順孫紹棠慷慨義氣之孫殿昇田成業篤孝信行之李成功時吉相忠勇剛毅捐軀死難之吳殿元醫術通明琴學精湛之王玉堂文

東寧縣誌略

十一

學如顧玉瑛俠義如王佐臣等皆行誼卓絕氣貫神明民到如今稱之至於歷年名宦則有直隸之李達春長沙之張祖策京兆之鄭頤津此又皆政聲卓著有功德於地方而棠留遺愛者也

第七章古蹟

甲古代遺蹟

一都統成

在治城西四十里俗名胡倫佈歲四壁遺址及古代大磚厚甃儼然猶存周圍約五六里除新建民房數十家外半屬農圃田隴每見離離禾黍不禁

故國之感某年於其地掘得銅印一方正文四篆
曰都統所印背鑄貞祐六年行六部製八字查貞
祐為金宣宗年號距民國紀元六百餘年可知此
處為金之重地該城即為都統之駐在地點邑人
以都統名城殆以此云查宋寧宗嘉定六年金元
帥胡沙虎弒其主永濟立
宣宗改號貞祐至四年入寇江淮奄有中原大率
次年遂改號曰興定是貞祐只有四年茲云六年
必係傳
聞之誤

二孝子廬

廬在治城西南四十里大度川之西岸即李孝子
成功所居以守墓者也李公天性純謹事親至孝

東寧縣誌略

十二

母卒哀毀者三日葬之後築廬墓側衰衣奉守步
不離塋言不見齒除飲食度祭外日於墓側芟艾
草萊封土樹石數年間墳高如阜村中人或目為
顛狂勸之歸而李則恪恭謹守依然如故每值酷
寒暑雨輒繞墳哭泣不敢自寧三年期滿髮毡面
漆刑骸骨立凶服既除始問家事夫以山陬僻陋
之鄉得有如此純孝可謂空谷足音有禪倫教矣
後之人欽其懿行而不忍沒之也故誌其地曰孝
子廬云

三張三溝